

Código expte.	Razón social da entidade	CIF	Nome do polígono industrial ou parque empresarial	Motivo emenda
4931	Concello de Vilamarín	P3208300G	Parque empresarial de Vilamarín	D1
4933	Concello de Lalín	P3602400H	Lalín 2000	C1, D1
4937	Concello de Lalín	P3602400H	Polígono de Botos	C1, D1

Elemento: A: formulario do anexo I da solicitude.
 B: formulario do anexo II da solicitude.
 C: certificado entidade local.
 D: título lexítimo espazo a disposición.

Motivo: 1. Non presenta a documentación sinalada (e ten a obriga de presentala).
 2. A documentación sinalada está sen compulsar.
 3. A documentación presentada está incompleta.
 4. Outros: véxase o indicado no texto.

CONSELLERÍA DE CULTURA E DEPORTE

Orde do 27 de marzo de 2008 pola que se fixan os prezos de venda ao público de diversas publicacións da Consellería de Cultura e Deporte.

A Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, no seu artigo 51, sinala a obriga de que os prezos privados sexan fixados polas consellerías correspondentes, logo de emitido o informe favorable pola Consellería de Economía e Facenda, e publicadas no *Diario Oficial de Galicia*.

Para cumprir este mandato, e despois de emitir o preceptivo informe favorable da Consellería de Economía e Facenda, esta consellería

DISPÓN:

Artigo único.

1. Quedan aprobados os prezos de venda ao público das publicacións editadas por esta consellería que se relacionan no anexo.

2. Estes prezos entenderanse, se é o caso, co IVE incluído.

Santiago de Compostela, 27 de marzo de 2008.

Ánxela Bugallo Rodríguez
 Conselleira de Cultura e Deporte

ANEXO

-*A cidade pracenteira: da verbena ao cabaré*: 35 €.

-*Sinfonía nº 1*: 80 €.

-*Videoclusión. Relacións entre teleseries e videoclips en 6 capítulos*: 3 €.

-*Sinfonía nº 1. Redución para Piano*: 15 €.

-*Rexistros e hábitos. Máquina de tempo. Imaxes de espazo*: 10 €.

-*Ione Robinson. Arte pola liberdade. Fotografías e debuxos 1938-1939*: 20 €.

-*O deseño gráfico na colección do Museo Massó*: 18 €.

-*Mapas, cosmogonías e puntos de referencia*: 16 €.

-*Dramaturxia. Teoría e práctica*: 23 €.

-*Fatasías republicanas*: 15 €.

-*Escultura cerámica ibérica contemporánea*: 34 €.

-*Regreso ao deserto*: 12 €.

-*Roman Signer. Esculturas e instalacións*: 15 €.

-*Sonata para piano*: 18 €.

-*Sinfonietta en Fa*: 30 €.

-*Sonata para violín e piano*: 30 €.

-*VIII Bienal de Lalín Pintor Laxeiro*: 9 €.

-*Elena Colmeiro. Construtora no tempo*: 20 €.

-*III Congreso da Sociedade Española de Acústica Forense*: 13 €.

-*III Congreso Internacional de Fonética Experimental*: 19 €.

-*Álbums para o reencontro. Ribadavia e os ribadavienses V*: 6,50 €.

-*Estradas e camiños*: 20 €.

-*Congreso internacional sobre musealización de xacementos arqueolóxicos. Conservación e presentación de xacementos no medio rural. O impacto social no territorio*: 20 €.

-*Plantando libros*: 6 €.

-*Sri Pada: pasos de peregrino, pegada de deuses*: 25 €.

-*A batalla dos xéneros*: 20 €.

-*Manuel Quintana Martelo*: 25 €.

-*La batalla de los géneros*: 20 €.

-*Catálogo documental. Comisiones provinciales de monumentos históricos y artísticos de Galicia*: 27 €.

-*Artistas con Unicef 2007*: 10 €.

-*Cultura-culturas: doazón de arte e arqueoloxía de Caja Madrid ao Museo de Montserrat*: 37 €.

-*Rostros da memoria*: 10 €.

-*Fernando de Casas y Novoa. Contexto, formación e obra*: 28,50 €.

CONSELLERÍA DE TRABALLO

Orde do 21 de abril de 2008 pola que se establecen as bases reguladoras do programa para a promoción do emprego autónomo, cofinanciado polo Fondo Social Europeo e se procede á súa convocatoria para o ano 2008.

No marco establecido no artigo 40 da Constitución española, na Lei 56/2003, do 16 de decembro, de emprego; nos artigos 29 e 30 do Estatuto de autonomía de Galicia; e nos obxectivos de crecemento e emprego da Unión Europea, conforme a Extratexia Europea de Emprego, e co obxectivo de que a Comunidade Autónoma de Galicia acade uns maiores

niveis de desenvolvemento económico, de calidade no emprego, de benestar social, e de cohesión no territorio, é preciso adoptar políticas que promovan un modelo de desenvolvemento económico que favoreza a capacidade creativa e emprendedora da sociedade galega, en especial dos mozos e mozas, como fonte de riqueza e como elemento esencial para o crecemento, a competitividade e a modernización do tecido produtivo galego.

O Estatuto de autonomía de Galicia, no seu artigo 29, atribúelle á comunidade autónoma, en concordancia co artigo 149.1º.7 da Constitución española, competencia para a execución da lexislación do Estado en materia laboral, asumindo as facultades, funcións e servizos correspondentes a este ámbito.

No título V da Lei 20/2007, do 11 de xullo, do Estatuto do traballo autónomo (BOE do 12 de xullo), dedicado ao fomento e promoción do traballo autónomo, establécese que os poderes públicos adoptarán políticas de fomento do traballo autónomo dirixidas ao establecemento e desenvolvemento de iniciativas económicas e profesionais por conta propia. Na aplicación destas políticas de fomento tenderase ao logro da efectividade da igualdade de oportunidades entre mulleres e homes, e prestarase especial atención aos colectivos de persoas desfavorecidas, entre as cales as persoas con discapacidade ocupan un lugar preferente.

Impulsado polo Goberno o proceso de Diálogo Social de Galicia, como resultado deste, a Xunta de Galicia, a Confederación de Empresarios de Galicia (CEG), a UGT-Galicia e o sindicato nacional de CC.OO. de Galicia subscribiron, o 5 de febreiro de 2007, o Novo marco de relacións laborais en Galicia: acordo polo emprego, que establece os obxectivos que cómpre acadar en materia de emprego na liña de converxencia co Estado e con Europa, e as medidas e recursos que se implementarán cara á consecución destes obxectivos, iniciándose unha nova etapa no marco das relacións laborais. En concreto, no Acordo sobre obxectivos e medidas para o emprego en Galicia, dedícase o capítulo 10 aos obxectivos en materia de emprendemento, establecéndose medidas concretas ás que responde a presente orde.

A Lei 2/2007, do 28 de marzo, do traballo en igualdade das mulleres en Galicia establece no seu artigo 31º que, no marco da consideración como colectivo prioritario, as políticas activas de emprego valorarán as circunstancias das mulleres con especiais dificultades de inserción laboral. Así mesmo, o artigo 38 desta lei establece que o departamento da Administración competente en materia de traballo poderá incluír nas actuacións programadas en relación coa política de emprego destinada a promover a inserción laboral efectiva das mulleres accións positivas e actuacións de discriminación positiva dirixidas á equiparación de ambos os sexos no emprego por conta propia, e que nas medidas dirixidas ao fomento de empresariado feminino se terán en conta

de xeito preferente as mulleres emprendedoras con especiais dificultades de inserción laboral ou en situacións marcadas pola desvantaxe social.

De conformidade co Decreto 168/1984, do 15 de novembro, de asunción de funcións e servizos transferidos, correspóndelle á comunidade autónoma a xestión de calquera tipo de axuda, subvencións e préstamos que realizaba a Unidade Administradora do Fondo Nacional de Protección ao Traballo, e de acordo co disposto no Decreto 536/2005, do 6 de outubro, polo que se establece a estrutura orgánica da Consellería de Traballo, correspóndelle a esta o exercicio das anteditas competencias e funcións, entre outras materias, no relativo ás políticas activas de emprego.

Consonte o anterior, correspóndelle a esta consellería a regulación específica, a convocatoria, a xestión e o control das axudas e subvencións do programa de promoción do emprego autónomo regulado na Orde TAS/1622/2007, do 5 de xuño, pola que se regula o programa de promoción do emprego autónomo, segundo a disposición adicional primeira da citada orde.

Neste contexto de actuación nesta orde regúlase o programa de promoción do emprego autónomo, e procédese á súa convocatoria para o ano 2008. Incrementanse, en función das dificultades de inserción laboral do colectivo a que pertenza o traballador ou traballadora desempregada, as contías das axudas tanto da subvención financeira como da axuda polo establecemento, que substitúe a renda de inicio de actividade, concedéndose maior contía cando a persoa beneficiaria sexa unha muller. Establécese por primeira vez a axuda pola asistencia técnica e para formación co obxecto de cubrir as carencias xerenciais que algúns traballadores e traballadoras autónomas presentan contribuíndo, deste xeito, á supervivencia da iniciativa empresarial; e na subvención financeira amplíase a posibilidade de solicitar préstamos de xuro variable.

No programa de promoción do emprego autónomo regulado nesta orde, establécense para as persoas con discapacidade unhas contías superiores na axuda polo establecemento, na subvención financeira, e na axuda excepcional, dada a súa consideración de colectivo prioritario das políticas activas de emprego, e ao constituír o autoemprego un elemento eficaz para a inserción socio profesional das persoas con discapacidade.

O programa de promoción do emprego autónomo, establecido na normativa estatal mellórase na Comunidade Autónoma de Galicia coa introdución da axuda excepcional para o financiamento dos primeiros gastos da actividade ás persoas desempregadas de colectivos con maiores dificultades de inserción laboral.

Outra novidade que cómpre salientar é a regulación do reintegro parcial das axudas, respondendo

ao principio de proporcionalidade, sempre que se mantivera a actividade un mínimo de dous anos.

As bases reguladoras do programa regulado nesta orde establecen un procedemento de concesión que non ten a consideración de concorrencia competitiva, dado que de acordo coa finalidade e obxecto do programa non resulta necesario realizar a comparación e prelación das solicitudes presentadas nun único procedemento, senón que a concesión das axudas se realizará pola comprobación da concorrencia no solicitante dos requisitos establecidos ata o esgotamento do crédito orzamentario, conforme o previsto no Real decreto 357/2006, do 24 de marzo, polo que se regula a concesión directa de determinadas subvencións nos ámbitos do emprego e da formación profesional ocupacional.

O programa de promoción do emprego autónomo está cofinanciado polo Fondo Social Europeo, nunha porcentaxe do 80 por cento, a través do Programa Operativo Plurirexional de Adaptabilidade e Emprego, número 2007 ES 05 UPO 001, aprobado pola decisión da Comisión Europea do 15 de decembro de 2007. Esta cofinanciación do Fondo Social Europeo farase constar nas resolucións de concesión.

A axuda excepcional poderá ser obxecto de cofinanciación polo Fondo Social Europeo, nunha porcentaxe do 80 por cento, a través do Programa Operativo do FSE de Galicia 2007-2013, número CCI 2007 ES 051 PO 004, aprobado pola Decisión da Comisión Europea do 18 de decembro de 2007. Este cofinanciamento do Fondo Social Europeo farase constar nas resolucións de concesión.

Estas axudas están sometidas ao réxime *de minimis*, nos termos establecidos no Regulamento (CE) nº 1998/2006 da Comisión, do 15 de decembro, relativo á aplicación dos artigos 87 e 88 do tratado CE ás axudas *de minimis*. Esta circunstancia farase constar expresamente na resolución das solicitudes de subvención.

As bases reguladoras e a convocatoria deste programa axústanse ao disposto na Lei 9/2007, do 13 de xuño, de subvencións de Galicia, e en canto non se opoña ao establecido nesta lei, no Decreto 287/2000, do 21 de novembro; no texto refundido da Lei de réxime financeiro e orzamentario de Galicia aprobado polo Decreto lexislativo 1/1999, do 7 de outubro; na Lei 16/2007, do 26 de decembro, de orzamentos xerais da Comunidade Autónoma de Galicia para o ano 2008, e no que resulte de aplicación a Lei 38/2003, do 27 de novembro, xeral de subvencións, e no seu regulamento de desenvolvemento aprobado polo Real decreto 887/2006, do 21 de xullo.

Por todo o exposto, no desenvolvemento da planificación presentada ante o Comité Autonómico de Emprego, na súa reunión do día 28 de novembro de 2007, consultado o Consello Galego de Relacións Laborais, e no exercicio das facultades que me con-

fire o artigo 34 da Lei 1/1983, do 22 de febreiro, reguladora da Xunta e da súa presidencia,

DISPOÑO:

CAPÍTULO I

FINALIDADE, ÁMBITO, PRINCIPIOS DE XESTIÓN E DEFINICIÓNS

Artigo 1º.-*Obxecto e finalidade.*

1. Esta orde ten por obxecto fixar as bases reguladoras do programa de promoción do emprego autónomo, coa finalidade de promover e axudar a financiar aqueles proxectos empresariais que facilitan a creación do seu propio posto de traballo ás persoas desempregadas que pretendan desenvolver a súa actividade empresarial ou profesional en Galicia como traballadores ou traballadoras autónomos/as ou por conta propia, e se procede á súa convocatoria para o ano 2008.

Ao abeiro desta orde subvencionaranse as altas no réxime especial de traballadores por conta propia ou autónomos ou en mutualidade de colexio profesional que, cumprindo os requisitos e condicións establecidas nela, se formalicen desde o 16 de setembro de 2007 ata o 15 de xullo de 2008, ambos inclusive.

2. As solicitudes, tramitación e concesión das axudas do programa de promoción do emprego autónomo axustaranse ao disposto na Lei 9/2007, do 13 de xuño, de subvencións de Galicia, e en canto non se opoña ao establecido nesta lei, no Decreto 287/2000, do 21 de novembro; na Lei 16/2007, do 26 de decembro, de orzamentos xerais da Comunidade Autónoma de Galicia para o ano 2008, e no que resulte de aplicación a Lei 38/2003, do 27 de novembro, xeral de subvencións, e no seu Regulamento de desenvolvemento aprobado polo Real decreto 887/2006, do 21 de xullo, na Orde TAS/1622/2007, do 5 de xuño, pola que se regula o programa de promoción do emprego autónomo, no Real decreto 357/2006, do 24 de marzo, polo que se regula a concesión directa de determinadas subvencións nos ámbitos do emprego e da formación profesional ocupacional, e nesta orde.

3. A xestión deste programa realizarase de acordo cos seguintes principios:

- a) Publicidade, concorrencia, obxectividade, transparencia, igualdade e non-discriminación.
- b) Eficacia no cumprimento dos obxectivos fixados pola Consellería de Traballo.
- c) Eficiencia na asignación e utilización dos recursos públicos.

Artigo 2º.-*Persoas beneficiarias.*

1. Poderán ser beneficiarias das axudas deste programa as persoas desempregadas inscritas como demandantes de emprego no Servizo Público de Emprego, que procedan á creación do seu propio posto de traballo mediante a súa constitución en traballadores ou traballadoras autónomos/as ou por conta propia, sempre que:

-Sexan titulares ou cotitulares do negocio ou explotación.

-Se dean de alta no réxime especial de autónomos ou en calquera outro réxime especial por conta propia da Seguridade Social ou en mutualidade de colexio profesional.

-Non percibisen subvencións ao abeiro do programa de promoción do emprego autónomo nos catro anos anteriores á data do inicio da nova actividade.

-Non desenvolvesen como traballadores ou traballadoras autónomos/as a mesma ou similar actividade na mesma localidade, nos 6 meses inmediatamente anteriores á data do inicio da nova actividade, nin estivesen de alta como traballadores ou traballadoras autónomos/as en calquera réxime da Seguridade Social ou en mutualidade de colexio profesional, sempre que a dita situación de alta presupoña actividade, nos tres meses inmediatamente anteriores. Para estes efectos, entenderase por mesma actividade a coincidencia ao nivel de 3 díxitos da Clasificación Nacional de Actividades Económicas (CNAE).

2. Os traballadores e traballadoras autónomas ou por conta propia poderán ser beneficiarios/as das axudas deste programa cando formen parte de comunidades de bens ou sociedades civís sempre que as soliciten a título persoal. Quedan excluídos do mesmo, os socios de sociedades mercantís, cooperativas e sociedades laborais e os autónomos colaboradores.

3. Para os efectos deste programa, entenderase como data de inicio de actividade laboral a da alta como autónomo no correspondente réxime da Seguridade Social ou en mutualidade de colexio profesional.

4. Non poderán obter a condición de beneficiarios do programa regulado nesta orde as persoas ou entidades en que concorran as circunstancias sinaladas no punto 2º do artigo 10 da Lei 9/2007, do 13 de xuño, de subvencións de Galicia.

5. No suposto de subvencións solicitadas por persoas traballadoras con discapacidade, ademais de cumprir os requisitos anteriores, deberán ter recoñecido pola Administración competente un grao de discapacidade igual ou superior ao 33%.

Artigo 3º.-Definicións.

1. Para os efectos desta orde entenderase por:

I. Persoa desempregada, aquela que figure inscrita como demandante de emprego no Servizo Público de Emprego e que, pola súa vez, careza de ocupación segundo o informe da vida laboral da Tesouraría Xeral da Seguridade Social e, se é o caso, segundo certificado da mutualidade do colexio profesional, na data da súa alta no correspondente réxime da Seguridade Social ou mutualidade de colexio profesional.

A comprobación da inscrición no Servizo Público de Emprego como demandante de emprego, na data de alta na Seguridade Social, realizaraa directamente o órgano xestor das axudas, agás que a inscrición fose realizada noutro servizo público de emprego distinto da Comunidade Autónoma de Galicia.

II. Persoa con discapacidade, aquela que teña recoñecido pola Administración competente un grao de discapacidade igual ou superior ao 33%. Non obstante, de acordo co disposto no artigo 1.2º da Lei 51/2003, do 2 de decembro, de igualdade de oportunidades, non-discriminación e accesibilidade universal das persoas con discapacidade, en todo caso consideraranse afectados por unha minusvalidez igual ou superior ao 33 por cento as persoas pensionistas da Seguridade Social que teñan recoñecida unha pensión de incapacidade permanente no grao de total, absoluta ou grande invalidez e as persoas pensionistas de clases pasivas que teñan recoñecida unha pensión por xubilación ou de retiro por incapacidade permanente para o servizo ou inutilidade. Nestes supostos a acreditación do grao de minusvalidez realizarase conforme o previsto no Real decreto 1414/2006, do 1 de decembro, polo que se determina a consideración de persoa con discapacidade para os efectos da Lei 51/2003, do 2 de decembro, de igualdade de oportunidades, non-discriminación e accesibilidade universal das persoas con discapacidade (BOE nº 300, do 16 de decembro).

A comprobación da condición de persoa con discapacidade realizaraa directamente o órgano xestor das axudas, agás que fose recoñecida por outra Administración distinta da propia da Comunidade Autónoma de Galicia.

III. Traballadores ou traballadoras desempregadas de longa duración, aquelas que estivesen sen traballo e inscritas na oficina de emprego durante polo menos 12 dos anteriores 16 meses se fosen maiores de 25 anos, e 6 dos últimos 8 se fosen menores de 25.

IV. Emigrantes retornados/as, aqueles/as emigrantes que cumpran coa condición de que non transcorresen máis de dous anos, entre a data do retorno e a data de alta no correspondente réxime da Seguridade Social ou en mutualidade de colexio profesional.

V. Traballadores e traballadoras desempregados/as procedentes de empresas en crise, aqueles traballadores e traballadoras cuxa relación laboral se extinga por algunha das causas económicas, técnicas, organizativas ou de produción, ben a través do procedemento de regulación de emprego establecido nos artigos 51 e 57 bis do Estatuto dos traballadores, ou ben cando a extinción do contrato de traballo sexa polas causas obxectivas recollidas no artigo 52 c) do Estatuto dos traballadores.

VI. Persoa responsable dunha familia monoparental e con cargas familiares, aquela persoa solteira, viúva, separada ou divorciada que teña ao seu coidado fillos/as menores de 21 anos ou persoas maiores incapacitadas que non obteñan ingresos de ningunha natureza superiores ao 75% do salario mínimo interprofesional vixente no momento da solitude.

2. Para os efectos do presente programa terán a consideración de colectivos en risco ou situación de exclusión social os seguintes:

a) Persoas perceptoras da renda de integración social de Galicia ou aquelas que non poidan acceder a ela, ben por falta do período exixido de residencia ou empadramento, ou ben por ter esgotado o período máximo de percepción legalmente establecido, ou membros da súa unidade familiar en desemprego.

b) Persoas que participen ou participasen en procesos de rehabilitación ou reinserción social de drogodependentes debidamente acreditados ou autorizados.

c) Internos e internas de centros penitenciarios cuxa situación penitenciaria lles permita acceder a un emprego, así como liberados/as condicionais ou ex-reclusos/as que non tivesen antes un primeiro emprego fixo remunerado tras un período de privación de liberdade.

d) Mulleres procedentes de casas de acollida que presenten problemas adicionais de inserción ou reinserción laboral.

e) As persoas que teñan acreditada pola Administración competente a condición de vítima de violencia doméstica por parte dalgún membro da unidade familiar de convivencia.

f) Mulleres que abandonaran o exercicio da prostitución e se incorporen ao mercado laboral, e transexuais ou en procesos de reasignación sexual.

g) Menores internos incluídos/as no ámbito de aplicación da Lei orgánica 5/2000, do 12 de xaneiro, reguladora da responsabilidade penal dos menores, cuxa situación lles permita acceder a un emprego, así como os que estean en situación de liberdade vixiada e os ex-reclusos e ex-reclusas.

h) Mozos e mozas que estean ou estivesen ata a súa maioría de idade baixo a tutela ou garda da Administración autonómica.

i) Traballadores e traballadoras inmigrantes que pasen a ser residentes da comunidade cuxas características condicionen a súa integración social.

j) Emigrantes retornados/as con graves necesidades persoais ou familiares.

k) Persoas que formen parte de colectivos ou minorías cuxas características poidan condicionar as súas posibilidades de integración social.

CAPÍTULO II TIPOS DE AXUDA

Artigo 4º.-Subvención polo establecemento como traballador ou traballadora autónoma ou por conta propia.

1. Poderá concederse ás persoas desempregadas, co obxecto de facilitarlles ingresos durante o inicio da actividade e posta en marcha da iniciativa empresarial ou profesional, unha subvención polo seu establecemento como traballador ou traballadora

autónoma ou por conta propia, sempre que se acredite un investimento en inmovilizado fixo necesario para o desenvolvemento da actividade por unha contía non inferior a 3.000 euros sen incluír o imposto sobre o valor engadido ou, de ser o caso, os impostos indirectos equivalentes cando sexan susceptibles de recuperación ou compensación, e se realice no período comprendido entre os tres meses anteriores ao inicio de actividade e os seis meses posteriores ao dito inicio. Non se admitirá, para os efectos da súa xustificación, a adquisición de bens usados, agás no suposto de traspaso de negocios.

No caso de comunidades de bens e sociedades civís o investimento mínimo exixido será por cada socio/a individual da sociedade, sexa ou non beneficiario/a da subvención, e en proporción á súa participación nela.

2. As contías desta subvención serán as seguintes:

A. 5.000 euros para desempregados en xeral.

B. 6.000 euros para mozos desempregados de 30 ou menos anos.

C. 7.000 euros para mulleres desempregadas.

D. 7.500 euros para emigrantes retornados/as e traballadores ou traballadoras procedentes de empresas en crise.

E. 8.000 euros para persoas desempregadas con discapacidade ou pertencentes a colectivos en risco ou situación de exclusión social.

F. 10.000 euros para mulleres desempregadas con discapacidade ou en risco ou situación de exclusión social.

G. No suposto de persoas desempregadas de longa duración ou demandantes de primeiro emprego as cantidades dos puntos A, B, e C incrementaranse en 500 euros.

No suposto de que as características da persoa desempregada dean lugar á súa inclusión en máis dun colectivo, só será posible aplicar a contía da subvención respecto dun deles, correspondendo a opción á persoa solicitante.

3. O prazo de presentación de solicitudes de subvención polo establecemento como traballador ou traballadora autónoma ou por conta propia será de dous meses desde a data de alta na Seguridade Social ou en mutualidade de colexio profesional, respectando, en todo caso, o prazo xeral establecido no artigo 10º.2 desta orde, aínda que non transcorren os dous meses anteriormente citados.

Artigo 5º.-Subvención financeira.

1. A subvención financeira ten por finalidade facilitar a creación do seu propio posto de traballo mediante a redución de xuros de préstamos necesarios para a súa constitución como traballador ou traballadora autónoma/o ou por conta propia, tendo en conta que, como mínimo, o 75% do préstamo deberá destinarse a financiar investimentos en inmovilizado fixo, podendo destinarse ata un 25% a finan-

ciar o activo circulante. En todo caso, a persoa beneficiaria debe acreditar un investimento en inmovilizado fixo por unha contía non inferior a 3.000 euros sen incluír o imposto sobre o valor engadido ou, de ser o caso, os impostos indirectos equivalentes cando sexan susceptibles de recuperación ou compensación, e realizar tal investimento no período comprendido entre os tres meses anteriores ao inicio de actividade e os seis meses posteriores ao dito inicio. Non se admitirá, para os efectos da súa xustificación, a adquisición de bens usados con cargo ao préstamo obxecto da axuda, agás no suposto de traspaso de negocios.

Os préstamos, para seren subvencionables, deberán ser concedidos polas entidades financeiras que teñan subscrito convenio coa Consellería de Traballo, e deberán formalizarse entre os tres meses anteriores ao inicio da actividade e o 31 de outubro de 2008 ou, de ser o caso, no prazo específico establecido na resolución de concesión.

No caso de comunidades de bens e sociedades civís o investimento mínimo exixido será por cada socio/a individual da sociedade, sexa ou non beneficiario/a da subvención, e en proporción á súa participación nela.

Esta subvención, pagadoira dunha soa vez, será equivalente á redución de ata catro puntos do tipo de xuro fixado pola entidade financeira que conceda o préstamo, calculada sobre os oito primeiros anos de vixencia destes sen que en ningún caso o tipo de xuro que deba satisfacer o beneficiario/a, despois de calculada a subsidiación, poida resultar inferior a un punto. A contía calcularase como se a subvención se devengase cada ano de duración do préstamo, incluído o posible período de carencia. O tipo de xuro poderá ser fixo ou variable, tomándose como referencia para o cálculo da subvención o tipo de xuro vixente na data da resolución da subvención, ou o vixente na data da sinatura do contrato do préstamo se esta é anterior.

O beneficiario/a, no prazo de 30 días desde a data en que teña coñecemento do pagamento efectivo da subvención, ten que presentar certificación expedida pola entidade financeira, acreditativa da amortización do principal do préstamo na contía subvencionada.

2. A subvención financeira terá como límite máximo as contías seguintes:

A. 5.000 euros para desempregados en xeral.

B. 6.000 euros para mozos desempregados de 30 ou menos anos.

C. 7.000 euros para mulleres desempregadas.

D. 7.500 euros para emigrantes retornados/as e traballadores ou traballadoras procedentes de empresas en crise.

E. 8.000 euros para persoas desempregadas con discapacidade ou pertencentes a colectivos en risco ou situación de exclusión social.

F. 10.000 euros para mulleres desempregadas con discapacidade ou en risco ou situación de exclusión social.

G. No suposto de persoas desempregadas de longa duración ou demandantes de primeiro emprego as cantidades dos puntos A, B, e C incrementaranse en 500 euros.

No suposto de que as características da persoa desempregada dean lugar á súa inclusión en máis dun colectivo, só será posible aplicar a contía da subvención respecto dun deles, correspondendo a opción á persoa solicitante.

3. A solicitude da subvención financeira deberá presentarse nos dous meses seguintes á data de alta na Seguridade Social ou en mutualidade de colexio profesional, respectando, en todo caso, o prazo xeral establecido no artigo 10º.2 desta orde, aínda que non transcorresen os dous meses anteriormente citados.

Artigo 6º.-Subvención para asistencia técnica.

1. O obxecto desta subvención é o financiamento parcial da contratación, durante a posta en marcha da empresa, dos servizos externos necesarios para mellorar o desenvolvemento da actividade empresarial, así como para a realización de estudos de viabilidade, organización, comercialización, diagnose ou outros de natureza análoga.

Deberá acreditarse na solicitude a necesidade desta asistencia. Non se considerarán necesarios os servizos externos que consistan no asesoramento e tramitación das axudas nin os servizos periódicos e recorrentes na xestión empresarial.

2. Os servizos de asistencia técnica deberán ser prestados:

-Polas asociacións de traballadores e traballadoras autónomas con carácter intersectorial e con suficiente implantación no ámbito territorial de Galicia.

-Por outras persoas xurídicas ou persoas físicas especializadas que reúnan garantías de solvencia profesional.

3. A contía desta subvención será do 75 por cento do custo dos servizos prestados, ata un máximo de 1.000 euros.

4. Esta subvención concederase por unha única vez, aínda que serán subvencionables todos os servizos de asistencia técnica que recibise e contrate a persoa beneficiaria e se iniciasen e desenvolvesen integralmente nos tres meses anteriores e nos seis meses seguintes ao inicio da actividade e sempre que sexan efectivamente xustificadas, mediante facturas e documentos bancarios acreditativos do pagamento destas, con anterioridade á finalización do período de xustificación establecido na resolución de concesión, ou de ser o caso, ata o 31 de outubro de 2008.

5. A subvención para asistencia técnica deberá presentarse nos dous meses seguintes á data de alta na Seguridade Social ou en mutualidade de colexio

profesional, respectando, en todo caso, o prazo xeral establecido no artigo 10º.2 desta orde, aínda que non transcorresen os dous meses anteriormente citados.

Artigo 7º.-Subvención para formación.

1. O obxecto desta subvención é o financiamento parcial de cursos relacionados coa dirección e xestión empresarial e novas tecnoloxías da información e comunicación, co fin de cubrir as necesidades de formación do traballador ou traballadora autónoma, durante a posta en marcha da empresa.

2. Esta formación deberá ser prestada:

-Polas asociacións de traballadores e traballadoras autónomas con carácter intersectorial e con suficiente implantación no ámbito territorial de Galicia.

-Por outras persoas xurídicas ou persoas físicas especializadas que reúnan garantías de solvencia profesional.

3. A contía desta subvención será do 75 por cento do custo dos cursos recibidos, ata un máximo de 3.000 euros.

4. A subvención para formación concederase por unha única vez, ben que serán subvencionables todas as accións de formación que recibise a persoa beneficiaria e se desenvolvesen integramente nos tres meses anteriores e nos seis meses seguintes ao inicio da actividade e sempre que sexan efectivamente xustificadas, mediante facturas e documentos bancarios acreditativos do seu pagamento, con anterioridade á finalización do período de xustificación establecido na resolución de concesión, ou, no seu caso, ata o 31 de outubro de 2008.

5. A subvención para formación deberá presentarse nos dous meses seguintes á data de alta na Seguridade Social ou en mutualidade de colexio profesional, respectando, en todo caso, o prazo xeral establecido no artigo 10º.2 desta orde, aínda que non transcorresen os dous meses anteriormente citados.

Artigo 8º.-Axuda excepcional.

1. Poderáselles conceder unha axuda para o financiamento dos primeiros gastos da actividade ás persoas desempregadas dos colectivos relacionados nos seguintes puntos deste artigo, sempre que cumpran os requisitos para ser beneficiarias deste programa, de acordo co previsto no artigo 2º desta orde.

A través desta axuda serán subvencionables os gastos pola compra de mercadorías, materias primas e outros aprovisionamentos, gastos de constitución, publicidade, arrendamento de local e maquinaria e seguros do local, excluído o imposto sobre o valor engadido ou, de ser o caso, os impostos indirectos equivalentes cando sexan susceptibles de recuperación ou compensación, realizados nos tres meses anteriores e nos seis meses seguintes ao inicio da actividade e sempre que sexan efectivamente xustificadas, mediante facturas e documentos bancarios acreditativos do pagamento das mesmas, con ante-

rioridade á finalización do período de xustificación establecido na resolución de concesión ou, de ser o caso, ata o 31 de outubro de 2008.

2. A contía máxima desta subvención será de 2.400 euros para os seguintes colectivos:

A. Persoas desempregadas de longa duración.

B. Persoas traballadoras demandantes do primeiro emprego.

C. Persoas desempregadas que realizasen, no ano da presentación da solicitude ou nos dous anos naturais anteriores, cursos de formación profesional ocupacional do Plan FIP directamente relacionados coa actividade empresarial.

D. Persoas desempregadas que participasen, no ano de presentación da solicitude ou nos dous anos anteriores, como alumnos e alumnas en escolas obradoiro, casas de oficios ou en obradoiros de emprego directamente relacionados no seu contido coa actividade empresarial.

E. Mulleres desempregadas que se reincorporen ao mercado laboral tras unha ausencia non inferior a 24 meses.

F. Mulleres desempregadas que creen o seu posto de traballo naquelas actividades económicas con menor índice de emprego feminino, de acordo co disposto na orde do Ministerio de Traballo e Asuntos Sociais do 16 de setembro de 1998 (BOE do 29 de setembro).

G. Persoas desempregadas responsables dunha familia monoparental e con cargas familiares.

H. Traballadores e traballadoras desempregados/as procedentes de empresas en crise.

I. Emigrantes retornados/as.

J. Persoas desempregadas que rematen o seu itinerario personalizado de inserción nunha ocupación directamente relacionada no seu contido coa actividade empresarial.

3. A contía máxima desta subvención será de 3.600 euros para as persoas desempregadas pertencentes a algún colectivo en risco ou situación de exclusión social ou persoas con discapacidade.

4. No suposto de que as características da persoa desempregada dean lugar á súa inclusión en máis dun colectivo, só será posible aplicar a contía da subvención respecto dun deles, correspondendo a opción á persoa solicitante.

5. O prazo de presentación de solicitudes da axuda excepcional será de dous meses desde a data de alta na Seguridade Social ou en mutualidade de colexio profesional, respectando, en todo caso, o prazo xeral establecido no artigo 10º.2 desta orde, aínda que non transcorresen os dous meses anteriormente citados.

CAPÍTULO III
COMPETENCIA E PROCEDEMENTO

Artigo 9º.-*Competencia.*

A competencia para coñecer e resolver as solicitudes de axudas e subvencións previstas nesta orde, por delegación do conselleiro de Traballo, corresponderalles aos delegados e delegadas provinciais da Consellería de Traballo, no respectivo ámbito provincial onde o solicitante desenvolva a súa actividade empresarial ou profesional, segundo consta na alta do imposto de actividades económicas ou alta no censo de obrigados tributarios do Ministerio de Economía e Facenda.

Artigo 10º.-*Solicitudes e prazo.*

1. As solicitudes de axudas e subvencións dirixiranse ao órgano competente para resolver, e presentaranse nos rexistros das respectivas delegacións provinciais da Consellería de Traballo, ou por calquera das formas previstas no artigo 38.4º da Lei 30/1992, do 26 de novembro, modificada pola Lei 4/1999, do 13 de xaneiro, de réxime xurídico das administracións públicas e do procedemento administrativo común.

2. O prazo xeral para a presentación de solicitudes de axudas do programa para a promoción do emprego autónomo finalizará o 15 de xullo de 2008, aínda que non transcorresen os prazos específicos previstos para cada tipo de axuda.

3. As actuacións subvencionables ao abeiro do programa para a promoción do emprego autónomo regulado nesta orde, realizadas entre o 16 de setembro do ano 2007 e a data da súa publicación, poderán acollerse ás axudas desta, aínda que transcorrese o prazo establecido desde a alta na Seguridade Social ou mutualidade do colexio profesional. O prazo para a presentación destas solicitudes remata o 31 de maio de 2008.

4. As solicitudes e os anexos deste programa están dispoñibles na páxina web da Consellería de Traballo <http://traballo.xunta.es>

5. Para a presentación de solicitudes os beneficiarios poderán contar co asesoramento dos axentes de emprego e desenvolvemento local da rede coordinada pola Consellería de Traballo (www.tecnicosem-pregogalicia.xunta.es).

Artigo 11º.-*Autorizacións.*

1. A presentación da solicitude de subvención pola interesada comportará a autorización ao órgano xestor para solicitar as certificacións que deba emitir a Axencia Estatal da Administración Tributaria, a Tesouraría Xeral da Seguridade Social e da consellería competente en materia de economía e facenda da Xunta de Galicia, segundo o establecido no artigo 20 da Lei 9/2007, do 13 de xuño, de subvencións de Galicia.

Non obstante, o solicitante poderá denegar expresamente o consentimento, debendo achegar entón as devanditas certificacións.

2. Mediante a presentación da solicitude de subvención, a persoa interesada presta expresamente o seu consentimento á Consellería de Traballo para incluír e facer públicos os datos relevantes referidos ás axudas e subvencións recibidas, así como ás sancións impostas, nos rexistros públicos de axudas, subvencións e convenios e de sancións administrativas, regulados no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006 (DOG nº 153, do 9 de agosto). Os dereitos de acceso, rectificación, consulta, cancelación e oposición de datos de carácter persoal exerceranse ante o CIXTEC como responsable dos ficheiros con domicilio, na rúa Domingo Fontán 9-15702 Santiago de Compostela, de conformidade coas prescricións da Lei orgánica 15/1999, do 13 de decembro, de protección de datos de carácter persoal.

3. Coa presentación da solicitude de subvención a persoa interesada autoriza expresamente a Consellería de Traballo para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública galega, publique as subvencións concedidas ao abeiro desta orde no *Diario Oficial de Galicia* con expresión da convocatoria, o programa e crédito orzamentario a que se imputan, a persoa beneficiaria, a contía concedida e a finalidade da subvención, e na páxina web oficial da Consellería de Traballo.

Artigo 12º.-*Documentación.*

As solicitudes deberán presentarse nos modelos normalizados que figuran como anexos numéricos a esta orde, e deberán ir acompañadas do orixinal ou fotocopia compulsada da seguinte documentación:

1. Documentación común.

a) DNI ou NIE e acreditación do NIF da persoa solicitante e, no caso dunha comunidade de bens ou sociedade civil, escritura de constitución e CIF da entidade.

b) Documentos acreditativos do tempo de permanencia no paro segundo os datos do informe da vida laboral da Tesouraría Xeral da Seguridade Social, actualizado na data de alta no réxime especial da Seguridade Social que corresponda, ou en mutualidade do colexio profesional.

De ser o caso, certificado do colexio profesional de alta no dito colexio, con indicación de se presupón ou non exercicio da actividade, e certificado da mutualidade do colexio profesional con indicación dos períodos de alta nela.

c) Alta no imposto de actividades económicas ou, se é o caso, alta no censo de obrigados tributarios no Ministerio de Economía e Facenda.

d) Documentos de solicitude e resolución de recoñecemento de alta no correspondente réxime da

Seguridade Social ou, de ser o caso, en colexio profesional e mutualidade que corresponda.

e) Memoria económica do proxecto empresarial asinada pola persoa solicitante que inclúa orzamento de investimento e o plan de financiamento que acredite a viabilidade do proxecto, segundo o modelo do anexo IV, ou aquela outra que, respectando o seu contido mínimo, queira presentar a persoa solicitante.

f) Declaración comprensiva do conxunto de todas as solicitudes efectuadas ou concedidas para o mesmo proxecto ou actividade, polas administracións públicas competentes ou outros entes públicos, así como das axudas concedidas en réxime *de minimis*, ou, de ser o caso, unha declaración de que non solicitou nin percibiu outras axudas ou subvencións (segundo o modelo do anexo VI).

g) Ficha de solicitude de transferencia bancaria e certificación da entidade financeira acreditativa de que o solicitante é titular da conta (segundo o modelo do anexo VII).

h) Documentación acreditativa de se encontraren ao día das súas obrigas tributarias -estatais e autonómicas- coa Seguridade Social e de que non teñen pendente de pagamento ningunha outra débeda coa Administración da comunidade autónoma, unicamente no suposto de que o solicitante denegase expresamente a autorización ao órgano xestor para solicitar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a Consellería de Economía e Facenda da Xunta de Galicia.

i) Declaración responsable asinada pola persoa solicitante, segundo o modelo do anexo V.

2. Documentación específica.

a) Subvención polo establecemento como traballador ou traballadora autónoma ou por conta propia:

-Facturas co seu correspondente xustificante bancario de pagamento ou, no seu defecto, facturas pro forma ou orzamentos dos activos que se vaian ter en conta para acreditar o requisito do investimento en inmovilizado fixo que se veña realizar.

b) Subvención financeira:

-O compromiso da entidade financeira sobre a concesión do préstamo, en que figuren as súas características e se faga constar que a operación se acolle ao convenio subscrito para tal fin (segundo o modelo do anexo VIII) ou, de ser o caso, o contrato de préstamo xa formalizado.

-Facturas co seu correspondente xustificante bancario de pagamento ou, no seu defecto, facturas pro forma ou orzamentos dos activos que se vaian ter en conta para acreditar o requisito do investimento en inmovilizado fixo que se vaia realizar e o destino do préstamo.

c) Subvención para asistencia técnica:

-Memoria descritiva da medida de asistencia solicitada, na cal consten, entre outros, a xustificación da súa necesidade para o desenvolvemento da actividade empresarial e o orzamento desagregado por conceptos, dos servizos desenvolvidos ou por desenvolver.

-Documento acreditativo da contratación do servizo en que conste o seu importe ou, se é o caso, facturas pro forma ou orzamento.

-Documentación acreditativa da solvencia profesional e especialización da entidade física ou xurídica que prestou ou vai prestar o servizo de apoio.

-Facturas efectivamente aboadas co seu correspondente xustificante bancario do pagamento dos servizos prestados na data da solicitude.

d) Subvención para formación:

-Memoria descritiva do curso, na cal consten, entre outros, o contido do curso, o seu calendario de realización, o seu custo e a xustificación da necesidade de formación da persoa solicitante.

-Documentación acreditativa da solvencia profesional e especialización da entidade física ou xurídica, que imparta o curso de formación.

-De ser o caso, documento acreditativo da matriculación no curso e o xustificante bancario do seu pagamento.

e) Axuda excepcional:

-Documentación acreditativa da concorrencia das circunstancias que determinen a pertenza aos colectivos establecidos no artigo 8º desta orde.

-Anexo III en que se indicará o colectivo polo que se solicita a axuda.

-Facturas co seu correspondente xustificante bancario de pagamento ou, no seu defecto, facturas pro forma ou orzamentos dos gastos que se vaian ter en conta para o cálculo da contía da subvención.

Artigo 13º.-*Procedemento de concesión, instrución e tramitación.*

1. O procedemento de concesión das subvencións recollidas nesta orde axustarase ao disposto no artigo 19.2º da Lei 9/2007, do 13 de xuño, de subvencións de Galicia, dado que polo obxecto e finalidade da subvención non resulta necesario realizar a comparación e prelación das solicitudes presentadas nun único procedemento.

2 O órgano instructor dos expedientes será o Servizo de Promoción do Emprego da correspondente delegación provincial da Consellería de Traballo, que realizará as actuacións necesarias para determinar o coñecemento e comprobación dos datos en virtude dos cales se debe formular a proposta de resolución.

3. Se a solicitude non estivese debidamente cuberta ou non se achegase a documentación exixida, as unidades administrativas encargadas da tramitación do expediente, de conformidade co disposto no arti-

go 71 da Lei 30/1992, do 26 de novembro, de réxime xurídico das administracións públicas e do procedemento administrativo común, requirirán a persoa interesada para que, nun prazo máximo e improrrogable de 10 días, emende a falta ou presente os documentos preceptivos, coa advertencia de que, se así non o fixese, se considerará que desistiu da súa petición, logo de resolución, que deberá ser ditada nos termos previstos no artigo 42 da antedita lei.

Artigo 14º.-*Resolución e recursos.*

1. Logo da fiscalización polas respectivas intervencións das propostas emitidas polos correspondentes servizos, as resolucións serán ditadas polo órgano competente, por delegación do conselleiro de Traballo, e deberán serlles notificadas ás persoas interesadas. As resolucións concesorias ou denegatorias, deberán ser sempre motivadas.

2. O prazo para resolver e notificar a resolución será de seis meses, que se computará desde a data de entrada da solicitude no rexistro do órgano competente para a súa tramitación. Transcorrido o dito prazo sen que se ditase resolución expresa, entenderase desestimada a solicitude de acordo co establecido no artigo 1 e no artigo 2 da Lei 6/2001, do 29 de xuño, de adecuación da normativa da Comunidade Autónoma de Galicia á Lei 4/1999, do 13 de xaneiro, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común.

3. As resolucións que se diten neste procedemento esgotan a vía administrativa e contra elas cabe interpor recurso contencioso-administrativo no prazo de dous meses, ante o órgano competente da xurisdición contencioso-administrativa, e poderá formularse, con carácter potestativo, recurso de reposición, no prazo dun mes, ante o mesmo órgano que ditou a resolución impugnada, de conformidade co disposto na Lei 29/1998, do 13 de xullo, reguladora da xurisdición contencioso-administrativa, e na Lei 30/1992, do 26 de novembro, de réxime xurídico das administracións públicas e do procedemento administrativo común.

Artigo 15º.-*Xustificación e pagamento.*

1. A determinación dos gastos subvencionables realizarase conforme co establecido no artigo 29 da Lei 9/2007, do 13 de xuño, de subvencións de Galicia.

2. Considéranse gastos subvencionables aqueles que de xeito indubidable respondan á natureza da actividade subvencionada e se realicen nos prazos establecidos nesta orde.

3. Considerarase gasto realizado o que foi efectivamente pagado con anterioridade á finalización do período de xustificación.

4. A xustificación do pagamento dos gastos obxecto das subvencións desta orde deberá realizarse mediante xustificante bancario acreditativo do seu aboamento.

5. De non achegarse con anterioridade, o pagamento das axudas quedará condicionado á presenta-

ción, do orixinal ou copia compulsada, no prazo, nos termos e na forma que se estableza na resolución de concesión, da documentación común e específica que se exixa de forma expresa nela, entre a cal deberá figurar a relacionada nos puntos seguintes:

A. Documentación xeral:

a) Documentación xustificativa para acreditar o cumprimento da finalidade para a cal se concedeu a subvención, segundo o tipo de axuda.

b) Declaración complementaria do establecido no artigo 12º alínea f) desta orde, do conxunto das axudas solicitadas, tanto das aprobadas ou concedidas como das pendentes de resolución para o mesmo proxecto das distintas administracións públicas competentes ou outros entes públicos, así como das axudas concedidas en réxime *de minimis*. Ou, de ser o caso, de que non solicitou nin percibiu outras axudas ou subvencións, segundo o modelo do anexo VI.

B. Documentación específica:

a) Cando se trate da subvención polo establecemento como traballador ou traballadora autónoma ou por conta propia, facturas xustificativas da realización do investimento en inmovilizado fixo e documento bancario acreditativo do seu pagamento.

b) Cando se trate da subvención financeira de redución de xuros, facturas xustificativas da realización do investimento en inmovilizado fixo e documento bancario acreditativo do seu pagamento e, de ser o caso, copia do contrato de préstamo.

c) Cando se trate da subvención para asistencia técnica:

-Facturas da entidade, persoa física ou xurídica, xustificativas do custo do servizo recibido e documentos bancarios acreditativos do seu pagamento.

-Informe escrito dos servizos recibidos e, no caso de consistir na realización dun estudo de viabilidade, organización, comercialización, diagnose ou análogo, presentarase copia del.

d) Cando se trate da subvención para formación, factura da entidade impartidora do curso xustificativa do seu custo e documentos bancarios acreditativos do seu pagamento, xunto con certificación da entidade en que conste o contido e a duración do curso e a asistencia do solicitante.

e) Cando se trate da axuda excepcional, facturas xustificativas da realización dos gastos obxecto da subvención e documentos bancarios acreditativos do seu efectivo pagamento.

6. Malia o sinalado nos puntos anteriores, a documentación exixida para a fase de pagamento común ou específica, poderá presentarse xunto coa solicitude, á opción da persoa interesada. Neste suposto poderán tramitarse conxuntamente a concesión e o pagamento da axuda.

7. Cando concorran varias axudas ou subvencións só será necesario presentar unha vez a documenta-

ción coincidente, tanto na fase de solicitude como na de xustificación.

8. Os beneficiarios/as deberán presentar a documentación xustificativa para o pagamento sinalada neste artigo no prazo establecido na resolución de concesión ou, de ser o caso, ata o 31 de outubro de 2008. Excepcionalmente este prazo poderá ser prorrogado en 15 días de forma extraordinaria e por causas debidamente xustificadas. Agás os pagamentos xa realizados con anterioridade á entrada en vigor desta orde só se admitirán como documentación xustificativa do pagamento o documento bancario acreditativo do seu aboamento.

9. Non se poderá realizar o pagamento da subvención mentres a persoa beneficiaria non se atope ao día no cumprimento das súas obrigas tributarias e fronte á Seguridade Social, teña pendente de pagamento algunha outra débeda coa Administración pública da comunidade autónoma, ou sexa debedor por resolución de procedencia de reintegro.

CAPÍTULO IV

OBIGAS E INCOMPATIBILIDADES

Artigo 16º.-*Obrigas das persoas beneficiarias.*

Son obrigas das persoas beneficiarias das axudas e subvencións:

a) Realizar a actividade que fundamente a concesión da axuda ou subvención durante un tempo mínimo de tres anos, salvo cesamento por causas alleas á súa vontade, o que deberá acreditar fidedignamente. No suposto de darse de baixa con anterioridade, deberá comunicar esta circunstancia ao órgano concedente nos dous meses posteriores á dita baixa. O incumprimento desta obriga de comunicación pola persoa beneficiaria levará consigo o reintegro da totalidade das axudas percibidas ao abeiro desta orde.

b) Xustificar ante o órgano concedente o cumprimento dos requisitos e das condicións, así como a realización da actividade e o cumprimento da finalidade que determinen a concesión da subvención.

c) Someterse ás actuacións de comprobación, que efectuará a Consellería de Traballo, así como a calquera outra actuación, sexa de comprobación e control financeiro, que poidan realizar os órganos de control competentes, tanto autonómicos coma estatais ou comunitarios, para o que se achegará canta información lle sexa requirida no exercicio das actuacións anteriores.

d) Comunicar ao órgano concedente calquera modificación das condicións tidas en conta para a concesión da subvención, así como dos compromisos e obrigas asumidas polas persoas beneficiarias, de ser o caso, a obtención concorrente de subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza, e en todo caso con anterioridade á xustificación da aplicación dada aos fondos percibidos.

e) Estar ao día das súas obrigas tributarias estatais e autonómicas e da Seguridade Social, así como non ter pendente de pagamento ningunha outra débeda, por ningún concepto, coa Administración pública da comunidade autónoma, con anterioridade a ditarse a proposta de resolución de concesión e realizar a proposta de pagamento da subvención.

f) Dispoñer dos libros contables, rexistros dilixenciados e demais documentos debidamente auditados nos termos exixidos pola lexislación mercantil e sectorial aplicable ao beneficiario en cada caso, coa finalidade de garantir o axeitado exercicio das facultades de comprobación e control.

g) Conservar os documentos xustificativos da aplicación dos fondos recibidos, incluídos os documentos electrónicos, mentres poidan ser obxecto das actuacións de comprobación e control.

h) Adoptar as medidas axeitadas de difusión para dar publicidade ao financiamento público das actuacións subvencionadas pola Consellería de Traballo, así como, se for o caso, cofinanciadas polo Fondo Social Europeo, nos termos establecidos no Regulamento (CE) nº 1828/2006 da Comisión, do 8 de decembro de 2006, polo que se fixan normas de desenvolvemento do Regulamento (CE) nº 1083/2006, do Consello, polo que se establecen as disposicións xerais relativas ao Fondo Europeo de Desenvolvemento Rexional, ao Fondo Social Europeo e ao Fondo de Cohesión e o Regulamento (CE) nº 1080/2006 do Parlamento Europeo e do Consello, relativo ao Fondo Europeo de Desenvolvemento Rexional (DOUE L 45, do 15-2-2007).

i) Proceder ao reintegro dos fondos percibidos nos supostos previstos no artigo 33 da Lei 9/2007, do 13 de xuño, de subvencións de Galicia.

j) As persoas físicas beneficiarias de calquera axuda deste programa deberán manter durante un período mínimo de dous anos a forma xurídica elixida pola que se lles concedeu as axudas ou subvencións.

k) Aquelas outras obrigas establecidas no artigo 11 da Lei 9/2007, do 13 de xuño, de subvencións de Galicia.

Artigo 17º.-*Incompatibilidades e concorrencia.*

1. En ningún caso o importe das axudas concedidas ao abeiro desta orde poderá ser de tal contía que, illadamente ou en concorrencia coas concedidas por outras administracións ou entes públicos ou privados, nacionais ou internacionais, supere o custo total da actividade que vaia desenvolver a persoa beneficiaria.

2. As axudas e subvencións establecidas neste programa son incompatibles coas establecidas nos programas de fomento do emprego en cooperativas e sociedades laborais, iniciativas de emprego, iniciativas de emprego de base tecnolóxica e integración laboral das persoas con discapacidade.

3. Non se poderán imputar os mesmos gastos aos distintos tipos de axuda previstos neste programa,

agás nos supostos de subvencións para o establecemento como traballador ou traballadora autónomo/a ou por conta propia, en que só se terán en conta para a comprobación do requisito exixido no artigo 4º.

Artigo 18º.-Modificación da resolución de concesión.

Toda alteración das condicións tidas en conta para a concesión das axudas ou subvencións, así como a obtención concorrente de subvencións e axudas outorgadas por outras administracións ou outros entes públicos ou privados, nacionais ou internacionais, poderá dar lugar á modificación da resolución de concesión e, eventualmente, á súa revogación.

Artigo 19º.-Revogación e reintegro.

1. Procederá a revogación das subvencións e axudas, así como o reintegro total ou parcial das cantidades percibidas e a exixencia do xuro de demora correspondente desde o momento do pagamento da subvención ata a data en que se acorde a procedencia do reintegro, nos casos previstos no artigo 33 da Lei 9/2007, do 13 de xuño, de subvencións de Galicia.

2. Procederá o reintegro parcial das axudas concedidas ao abeiro dos artigos 4º e 5º desta orde cando, non cumprindo a obriga establecida no artigo 16º de manter a actividade durante tres anos, se aproxime de xeito significativo a este, entendendo como tal ter mantido a actividade durante alomenos dous anos e a persoa beneficiaria acredite unha actuación inequivocamente tendente á satisfacción dos seus compromisos. A contía que se deberá reintegrar será proporcional ao tempo que reste para o cumprimento dos tres anos.

3. No suposto de cancelación do préstamo con anterioridade aos dous anos da súa formalización procederá o reintegro da totalidade da subvención. Se se realizase con posterioridade á dita data e logo de autorización do órgano concedente, deberá reintegrarse a parte da subvención financeira non devengada.

4. A obriga de reintegro establecida nos parágrafos anteriores enténdese sen prexuízo do establecido no Real decreto lexislativo 5/2000, do 4 de agosto, polo que se aproba o texto refundido da Lei sobre infraccións e sancións na orde social.

Artigo 20º.-Seguimento e control.

1. As delegacións provinciais e a Dirección Xeral de Promoción do Emprego poderán comprobar, en todo momento, a aplicación das subvencións concedidas para os fins programados. Para estes efectos as persoas beneficiarias deberán cumprir as obrigas de comprobación que se establezan nesta orde e na resolución de concesión.

2. Os/as solicitantes das axudas e subvencións previstas nesta orde, no suposto de teren a condición de beneficiario/a e para os efectos das actuacións de control das obrigas asumidas, autorizan a Consellería de Traballo para que, a Tesouraría Xeral da Segu-

ridade Social lle poida facilitar a información sobre situación de alta no sistema da Seguridade Social.

Artigo 21º.-Réxime das axudas.

1. Estas axudas están sometidas ao réxime *de minimis*, nos termos establecidos no Regulamento (CE) nº 1998/2006 da Comisión, do 15 de decembro, relativo á aplicación dos artigos 87 e 88 do Tratado CE ás axudas *de minimis* (DOUE L 379, do 28-12-2006). Esta circunstancia farase constar expresamente na resolución das solicitudes de subvención. Polo tanto a axuda total *de minimis* concedida a unha empresa non será superior a 200.000 euros durante calquera período de tres exercicios fiscais, ou a 100.000 euros no suposto dunha axuda concedida a unha empresa que opere no sector do transporte pola estrada.

2. Por tratarse de axudas sometidas ao réxime de axudas *de minimis*, non poderá concederse a empresas dos seguintes sectores:

a) Pesca e acuicultura, segundo se prevé no Regulamento (CE) nº 104/2000, do Consello.

b) Producción primaria dos produtos agrícolas que figuran na lista do anexo I do Tratado.

c) Actividades relacionadas coa exportación a terceiros países ou estados membros cando a axuda estea vinculada directamente ás cantidades exportadas, á creación e funcionamento dunha rede de distribución ou a outros gastos de explotación vinculados á actividade de exportación.

d) Carbón, segundo se define no Regulamento (CE) nº 1407/2002.

e) No suposto das empresas que realicen por conta allea operacións de transporte por estrada, non se poderán conceder axudas para a adquisición de vehículos de transporte de mercadorías por estrada.

Disposicións adicionais

Primeira.-Sen prexuízo das facultades que teñan atribuídas outros órganos da Administración do Estado ou da comunidade autónoma, a Consellería de Traballo levará a cabo funcións de control, así como de avaliación e seguimento dos programas.

Para realizar as ditas funcións poderanse utilizar cantos medios estean ao dispor da Consellería de Traballo para comprobar o cumprimento dos requisitos exixidos nesta orde e demais normas vixentes que resulten de aplicación.

Segunda.-A Consellería de Traballo poderá requirir en todo momento a documentación orixinal que se considere necesaria para acreditar mellor o exacto cumprimento das condicións exixidas nos diferentes programas desta orde, agás aquela que de acordo co artigo 35 f) da Lei 30/1992, do 26 de novembro, de réxime xurídico das administracións públicas e do procedemento administrativo común, xa se atope en poder da Administración actuante.

Terceira.-Apróbase a delegación de atribucións do conselleiro de Traballo nos delegados/as provinciais,

no ámbito das súas respectivas provincias, para resolver a concesión ou denegación das axudas e subvencións previstas nesta orde, así como para autorizar, dispor, recoñecer a obriga e propor os correspondentes pagamentos, así como para resolver os procedementos de reintegro das subvencións indebidamente percibidas polos seus beneficiarios respecto das resolucións concesorias de que traen causa, ditadas por delegación do conselleiro.

Cuarta.-A concesión das axudas e subvencións previstas para o ano 2008 nesta orde estará suxeita á existencia de crédito orzamentario. De ser o caso, e de acordo co disposto no artigo 31.4º da Lei 9/2007, do 13 de xuño, de subvencións de Galicia, publicarase mediante resolución do director xeral de Promoción do Emprego o esgotamento das partidas orzamentarias asignadas.

No exercicio económico 2008 as axudas recollidas nesta orde financiaranse con cargo ás aplicacións orzamentarias 16.02.322C.470.0, código de proxecto 2007 00698, cun crédito de 1.709.402 euros; 16.02.322C.470.1, código de proxecto 2003 00450, cun crédito de 11.278.080 euros; 16.02.322C.470.2, código de proxecto 2007 00675, cun crédito de 3.792.691 euros; 16.02.322C.470.3, código de proxecto 2007 00676, cun crédito de 10.000.000 de euros; 16.02.322C.470.4, código de proxecto 2007 00677, cun crédito de 4.825.109 euros; 16.02.322C.470.4, código de proxecto 2007 00678, cun crédito de 6.000.000 de euros; 16.02.322C.470.4, código de proxecto 2007 00679, cun crédito de 8.351.519 euros; 16.02.322C.470.6, código de proxecto 2007 00749, cun crédito de 6.000.000 de euros; 16.02.322C.472.0, código de proxecto 2008 00550, cun crédito de 1.449.426 euros; 16.02.322C.472.2, código de proxecto 2008 00560, cun crédito de 2.624.125 euros.

Estas contías están recollidas na Lei 16/2007, do 26 de decembro, de orzamentos xerais da Comunidade Autónoma de Galicia para o ano 2008, e constitúen o importe global para o financiamento desta orde; da orde pola que se establecen as bases reguladoras do programa de incentivos á contratación por conta allea de persoas desempregadas pertencentes a colectivos en risco de exclusión social, cofinanciado polo Fondo Social Europeo, e se procede á súa convocatoria para o ano 2008; da orde pola que se establecen as bases reguladoras do programa de incentivos á contratación indefinida das mulleres como medida para lograr un mercado de traballo igualitario, cofinanciado polo Fondo Social Europeo, e se procede á súa convocatoria para o ano 2008; da orde pola que se establecen as bases reguladoras dos programas de incentivos á contratación por conta allea como medida para favorecer a inserción dos mozos e mozas, cofinanciados polo Fondo Social Europeo, e se procede á súa convocatoria para o ano 2008; da orde pola que se establecen as bases reguladoras dos programas para o fomento da estabilidade no emprego, cofinanciados polo Fondo Social Europeo, e se procede á súa convocatoria para o ano

2008; da orde pola que se establecen as bases reguladoras e se convoca para o ano 2008 os incentivos á contratación dirixidos a favorecer a conciliación da vida laboral e familiar; da orde pola que se establecen as bases reguladoras do programa de axudas e subvencións ás empresas cualificadas como iniciativas de emprego de base tecnolóxica (IEBT), cofinanciado polo Fondo Social Europeo, e se procede á súa convocatoria para o ano 2008; da orde pola que se establecen as bases reguladoras dos programas para a promoción da integración laboral das persoas con discapacidade, cofinanciados polo Fondo Social Europeo, e se procede á súa convocatoria para o ano 2008; e das demais ordes que establezan as bases das medidas de fomento do emprego, incentivos á contratación por conta allea, actuacións de apoio a persoas emprendedoras, autoemprego e integración laboral das persoas con discapacidade, incluídos no programa orzamentario 322C.

Así mesmo, os créditos consignados nesta orde poderán ser obxecto de modificacións como consecuencia da asignación ou da redistribución de fondos para o financiamento dos programas de fomento do emprego, coas limitacións que estableza a Conferencia Sectorial de Asuntos Laborais ou polas disposicións aplicables ás axudas cofinanciadas polo Fondo Social Europeo.

Quinta.-O programa de promoción do emprego autónomo está cofinanciado polo Fondo Social Europeo, nunha porcentaxe do 80 por cento, a través do Programa Operativo Plurirrexional de Adaptabilidade e Emprego, número 2007 ES 05 UPO 001, aprobado pola Decisión da Comisión Europea do 15 de decembro de 2007, no marco de programación 2007-2013, polo que están cofinanciadas as axudas deste programa reguladas na Orde do 1 de marzo de 2007, pola que se establecen as bases reguladoras dos programas para a promoción do emprego autónomo, cofinanciados polo Fondo Social Europeo, e se procede á súa convocatoria para o ano 2007 (DOG nº48, do 8 de marzo).

Sexta.-De acordo co disposto no artigo 8 do Real decreto 5/2008, do 11 de xaneiro, polo que se establecen as medidas para facilitar a adaptación laboral do sector téxtil e da confección aos cambios estruturais no comercio mundial, as contías establecidas nos artigos 4º e 5º desta orde incrementaranse nas porcentaxes indicadas no dito artigo respecto aos traballadores e traballadoras beneficiarias das medidas do dito real decreto.

Disposicións derradeiras

Primeira.-Facúltase o director xeral de Promoción do Emprego para que dite, no ámbito das súas competencias, as resolucións e instrucións necesarias para o desenvolvemento e cumprimento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 21 de abril de 2008.

Ricardo Jacinto Varela Sánchez
Conselleiro de Traballo



XUNTA DE GALICIA
CONSELLERÍA DE TRABALLO

ANEXO I

**UNIÓN
EUROPEA**
Fondo Social
Europeo



EXPEDIENTE

PROCEDEMENTO	CÓDIGO DO PROCEDEMENTO	DOCUMENTO
PROMOCIÓN DE EMPREGO AUTÓNOMO: (INDICAR CUN X A/AS QUE SE SOLICITEN) ☐ SUBVENCIÓN POLO ESTABLECEMENTO COMO TRABALLADOR/A AUTÓNOMO/A ☐ SUBVENCIÓN FINANCEIRA ☐ SUBVENCIÓN PARA ASISTENCIA TÉCNICA ☐ SUBVENCIÓN PARA FORMACIÓN ☐ AXUDA EXCEPCIONAL	TR341D	SOLICITUDE

1.- DATOS DE IDENTIFICACIÓN DO/A SOLICITANTE

APELIDOS	NOME	DNI/NIE
ENDERZO	LOCALIDADE/CONCELLO	CÓDIGO POSTAL
PROVINCIA	TELÉFONO	FAX
ENDERZO ELECTRÓNICO		
TEMPO DE PERMANENCIA EN DESEMPREGO		DATA DE NACEMENTO

2.- DOMICILIO PARA EFECTOS DE NOTIFICACIÓN

ENDERZO			
LOCALIDADE/CONCELLO	PROVINCIA	CÓDIGO POSTAL	TELÉFONO

3.- DATOS DE IDENTIFICACIÓN DO PROXECTO DE NEGOCIO (Estes datos deben coincidir cos da memoria segundo Anexo IV)

ACTIVIDADE ECONÓMICA (DESCRIPCIÓN)	CNAE	
ENDERZO DO NEGOCIO	LOCALIDADE/CONCELLO	CÓDIGO POSTAL
PROVINCIA	TELÉFONO	FAX
ENDERZO ELECTRÓNICO		
☐ AUTÓNOMO/A INDIVIDUAL ☐ COMUNIDADE DE BENS OU SOCIEDADE CIVIL ☐ MUTUALIDADE (especificar)		
INVESTIMENTO QUE SE VAI REALIZAR		FINANCIAMENTO
INMOBILIZADO:	ACTIVO CIRCULANTE:	CUSTO TOTAL DA ACTIVIDADE:
FONDOS PROPIOS:		FONDOS ALLEOS:
DATA DE ALTA NA SEGURIDADE SOCIAL	Nº INSCRIPCIÓN SEGURIDADE SOCIAL	DATA DE ALTA NO IAE

4.- SUBVENCIÓNS QUE SOLICITA (Sinalar cun X a subvención ou subvencións que se solicitan e o colectivo polo que se opta)

☐ A.- POLO ESTABLECEMENTO COMO TRABALLADOR OU TRABALLADORA AUTÓNOMA					
☐ B.- SUBVENCIÓN FINANCEIRA					
COLECTIVO		CONTÍA SOLICITADA	COLECTIVO		CONTÍA SOLICITADA
☐ Desempregado en xeral	5.000 €	☐ Traballador/a procedente de empresa en crise	7.500 €	☐ Desempregada en risco ou situación de exclusión social	10.000 €
☐ Joven desempregado de 30 ou menos anos	6.000 €	☐ Desempregado con discapacidade	8.000 €	☐ Incremento desempregado/a de longa duración	500 €
☐ Muller desempregada	7.000 €	☐ Desempregado en risco ou situación de exclusión social	8.000 €	☐ Incremento demandante de primeiro emprego	500 €
☐ Emigrante retornado/a	7.500 €	☐ Desempregada con discapacidade	10.000 €		
☐ C.- SUBVENCIÓN PARA ASISTENCIA TÉCNICA		Contía solicitada			
☐ D.- SUBVENCIÓN PARA FORMACIÓN		Contía solicitada			
☐ E.- AXUDA EXCEPCIONAL		Contía solicitada			

LEXISLACIÓN APLICABLE

Orde do 21 de abril de 2008 pola que se establecen as bases reguladoras do programa para a promoción do emprego autónomo, cofinanciado polo Fondo Social Europeo e se procede á súa convocatoria para o ano 2008.

SINATURA DO/A SOLICITANTE OU PERSOA QUE O/A REPRESENTA

, de de

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA

☐ Delegado/a provincial da Consellería de Traballo en

ANEXO II

DOCUMENTACIÓN QUE SE ACHEGA Á SOLICITUDE (ARTIGO 12º)

As solicitudes deberán presentarse nos modelos normalizados que figuran como anexos numéricos á orde, e deberán ir acompañadas, do orixinal ou fotocopia compulsada, da seguinte documentación:

1. Documentación común.

- ☐ a) DNI ou NIE e acreditación do NIF da persoa solicitante e, no caso dunha comunidade de bens ou sociedade civil, escritura de constitución e CIF da entidade.
- ☐ b) Informe da vida laboral da Tesouraría Xeral da Seguridade Social actualizado na data de alta no réxime especial de traballadores autónomos da Seguridade Social ou mutualidade do colexio profesional.
- ☐ De ser o caso, certificado do colexio profesional de alta no dito colexio, con indicación de se presupón ou non exercicio da actividade, e certificado da mutualidade do colexio profesional con indicación dos períodos de alta nela.
- ☐ c) Alta no I.A.E. ou, se é o caso, alta no censo de obrigados tributarios no Ministerio de Economía e Facenda (modelo 036 ou modelo 037).
- ☐ d) Documentos de solicitude e resolución de recoñecemento de alta no correspondente réxime da Seguridade Social ou, de ser o caso, en colexio profesional e mutualidade que corresponda.
- ☐ e) Memoria económica do proxecto empresarial asinada pola persoa solicitante, (segundo o modelo do anexo IV), ou aquela outra que respectando o seu contido mínimo queira presentar a persoa solicitante.
- ☐ f) Declaración do conxunto de todas as solicitudes efectuadas ou concedidas para o mesmo proxecto ou actividade, así como das axudas concedidas en réxime *de minimis*, ou, de ser o caso, unha declaración de que non solicitou nin percibiu outras axudas ou subvencións (segundo o modelo do anexo VI).
- ☐ g) Ficha de solicitude de transferencia bancaria e certificación da entidade financeira acreditativa de que o solicitante é titular da conta (segundo o modelo do anexo VII).
- ☐ h) Documentación acreditativa de que se encontra ao día das súas obrigas tributarias -estatais e autonómicas- e coa Seguridade Social e de que non teñen pendente de pagamento ningunha outra débeda coa Administración da comunidade autónoma, unicamente no suposto de que o solicitante denegase expresamente a autorización ao órgano xestor para solicitar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a Consellería de Economía e Facenda da Xunta de Galicia.
- ☐ i) Declaración responsable asinada pola persoa solicitante, segundo o modelo do anexo V.

2. Documentación específica.

a. Subvención polo establecemento como traballador ou traballadora autónoma ou por conta propia:

- ☐ Facturas co seu correspondente xustificante bancario de pagamento ou, no seu defecto, facturas pro forma ou orzamentos dos activos que se vaian ter en conta para acreditar o requisito do investimento en inmovilizado fixo que se vaia realizar.

b. Subvención financeira:

- ☐ O compromiso da entidade financeira sobre a concesión do préstamo, en que figuren as súas características e se faga constar que a operación se acolle ao convenio subscrito para tal fin (segundo o modelo do anexo VIII) ou, de ser o caso, o contrato de préstamo xa formalizado.
- ☐ Facturas co seu correspondente xustificante bancario de pagamento ou, no seu defecto, facturas pro forma ou orzamentos dos activos que se vaian ter en conta para acreditar o requisito do investimento en inmovilizado fixo que se vaia realizar e o destino do préstamo.

c. Subvención para asistencia técnica:

- ☐ Memoria descriptiva da medida de asistencia solicitada, na cal consten, entre outros, a xustificación da súa necesidade para o desenvolvemento da actividade empresarial e o orzamento desagregado por conceptos, dos servizos desenvolvidos ou por desenvolver.
- ☐ Documento acreditativo da contratación do servizo en que conste o seu importe e, se é o caso, facturas pro forma ou orzamento.
- ☐ Documentación acreditativa da solvencia profesional e especialización da entidade física ou xurídica que prestou ou vai prestar o servizo de apoio.
- ☐ Facturas efectivamente aboadas co seu correspondente xustificante bancario do pagamento dos servizos prestados á data da solicitude.

d. Subvención para formación:

- ☐ Memoria descriptiva do curso, na cal consten, entre outros, contido, calendario de realización, custo e a xustificación da necesidade de formación da persoa solicitante.
- ☐ Documentación acreditativa da solvencia profesional e especialización da entidade física ou xurídica, que imparta o curso de formación.
- ☐ De ser o caso, documento acreditativo da matriculación no curso e o xustificante bancario do seu pagamento.

e. Axuda excepcional:

- ☐ Documentación acreditativa da concorrencia das circunstancias que determinen a pertenza aos colectivos establecidos no artigo 8º da orde de convocatoria.
- ☐ Anexo III en que se indicará o colectivo polo que se solicita a axuda.
- ☐ Facturas co seu correspondente xustificante bancario de pagamento ou, no seu defecto, facturas pro forma ou orzamentos dos gastos que se vaian ter en conta para o cálculo da contía da subvención.

DOCUMENTACIÓN PARA O PAGAMENTO E XUSTIFICACIÓN DA SUBVENCIÓN (ARTIGO 15º)

De non achegarse con anterioridade, o pagamento das axudas quedará condicionado á presentación, do orixinal ou copia compulsada, no prazo, nos termos e na forma que se establece na resolución de concesión, da documentación común e específica que se exixa de forma expresa nela, entre a cal deberá figurar a relacionada nos puntos seguintes:

A. Documentación xeral:

- ☐ a) Documentación xustificativa para acreditar o cumprimento da finalidade para a cal se concedeu a subvención, segundo o tipo de axuda.
- ☐ b) Declaración expresa doutras axudas e das axudas concedidas en réxime *de minimis* (segundo o modelo do anexo VI).

B. Documentación específica:

- ☐ a) Cando se trate da subvención polo establecemento como traballador ou traballadora autónoma ou por conta propia, facturas xustificativas da realización do investimento en inmovilizado fixo e documento bancario acreditativo do seu pagamento.
- ☐ b) Cando se trate da subvención financeira de redución de xuros, facturas xustificativas da realización do investimento en inmovilizado fixo e documento bancario acreditativo do seu pagamento e, se é o caso, copia do contrato de préstamo.
- ☐ c) Cando se trate da subvención para asistencia técnica: facturas da entidade, persoa física ou xurídica xustificativas do custo do servizo recibido e documentos bancarios acreditativos do seu pagamento e informe escrito dos servizos recibidos e, no caso de consistir na realización dun estudo de viabilidade, organización, comercialización, diagnose ou análogo, presentarase copia del.
- ☐ d) Cando se trate da subvención para formación, factura da entidade impartidora do curso xustificativa do seu custo e documentos bancarios acreditativos do seu pagamento, xunto con certificación da entidade en que conste o contido e a duración do curso e a asistencia do solicitante.
- ☐ e) Cando se trate da axuda excepcional, facturas xustificativas da realización dos gastos obxecto da subvención e documentos bancarios acreditativos do seu efectivo pagamento.

A documentación exixida para a fase de pagamento poderá presentarse xunto coa solicitude, á opción da persoa interesada.

Cando se soliciten varias axudas ou subvencións só será necesario presentar unha vez a documentación coincidente, tanto na fase de solicitude como na de xustificación.

Os beneficiarios/as deberán presentar a documentación xustificativa para o pagamento no prazo establecido na resolución de concesión, ou, se é o caso, ata o 31 de outubro de 2008. Excepcionalmente este prazo poderá ser prorrogado en 15 días de forma extraordinaria e debidamente xustificada. Agás os pagamentos xa realizados con anterioridade á entrada en vigor desta orde só se admitirán como documentación xustificativa do pagamento o documento bancario acreditativo do seu aboamento.

Non poderá realizarse o pagamento da subvención mentres a persoa beneficiaria non se atope ao día no cumprimento das súas obrigas tributarias e fronte á Seguridade Social, e non teña pendente de pagamento ningunha outra débeda coa Administración pública da comunidade autónoma ou sexa debedor por resolución de procedencia de reintegro.

As solicitudes e os anexos deste programa están dispoñibles na páxina web da Consellería de Traballo <http://traballo.xunta.es>

Para a presentación de solicitudes os beneficiarios/as poderán contar co asesoramento dos axentes de emprego e desenvolvemento local da rede coordinada pola Consellería de Traballo (www.tecnicoempleogalicia.xunta.es).

ANEXO III

EXPEDIENTE

**PROMOCIÓN DO EMPREGO AUTÓNOMO
AXUDA EXCEPCIONAL (colectivos do artigo 8º da orde de convocatoria)**

Don / Dona _____, con DNI nº _____ solicita a

axuda excepcional pola súa inclusión no colectivo que a seguir se indica, segundo o artigo 8º da orde de convocatoria.

No suposto de que as características da persoa desempregada dean lugar á súa inclusión en máis dun colectivo, só será posible aplicar a contía da subvención respecto dun deles, correspondendo a opción á persoa solicitante.

Deberá sinalar cun X o colectivo polo que se solicita a axuda excepcional:

- ☐ PERSOAS DESEMPREGADAS DE LONGA DURACIÓN.
- ☐ PERSOAS TRABALLADORAS DEMANDANTES DO 1º EMPREGO.
- ☐ PERSOAS DESEMPREGADAS QUE REALIZASEN, NO ANO DA PRESENTACIÓN DA SOLICITUDE OU NOS DOUS ANOS NATURAIS ANTERIORES, CURSOS DE FORMACIÓN PROFESIONAL OCUPACIONAL DO PLAN FIP DIRECTAMENTE RELACIONADOS COA ACTIVIDADE EMPRESARIAL.
- ☐ PERSOAS DESEMPREGADAS QUE PARTICIPASEN, NO ANO DA PRESENTACIÓN DA SOLICITUDE OU NOS DOUS ANOS ANTERIORES, COMO ALUMNOS/AS EN ESCOLAS OBRADOIRO, CASAS DE OFICIOS OU EN OBRADOIROS DE EMPREGO DIRECTAMENTE RELACIONADOS COA ACTIVIDADE EMPRESARIAL.
- ☐ MULLERES DESEMPREGADAS QUE SE REINCORPOREN AO MERCADO LABORAL TRAS UNHA AUSENCIA NON INFERIOR A 24 MESES.
- ☐ MULLERES DESEMPREGADAS QUE CREEN O SEU POSTO DE TRABALLO NAQUELAS ACTIVIDADES ECONÓMICAS CON MENOR ÍNDICE DE EMPREGO FEMININO.
- ☐ PERSOAS DESEMPREGADAS RESPONSABLES DUNHA FAMILIA MONOPARENTAL E CON CARGAS FAMILIARES.
- ☐ TRABALLADORES/AS DESEMPREGADOS/AS PROCEDENTES DE EMPRESAS EN CRISE.
- ☐ EMIGRANTES RETORNADOS.
- ☐ PERSOAS DESEMPREGADAS QUE REMATEN O SEU ITINERARIO PERSONALIZADO DE INSERCIÓN NUNHA OCUPACIÓN DIRECTAMENTE RELACIONADA NO SEU CONTIDO COA ACTIVIDADE EMPRESARIAL.
- ☐ PERSOAS EN SITUACIÓN OU RISCO DE EXCLUSIÓN SOCIAL RECOLLIDAS NO ARTIGO 3º.2 DA ORDE DE CONVOCATORIA.
- ☐ PERSOAS CON DISCAPACIDADE.

_____, de _____ de _____

Sinatura do/a solicitante

MEMORIA DO PROXECTO EMPRESARIAL PROMOCIÓN DO EMPREGO AUTÓNOMO

APELLIDOS E NOME			DNI	
ENDEREZO		LOCALIDADE		CÓDIGO POSTAL
PROVINCIA	TÉLFONO	FAX	ENDEREZO ELECTRÓNICO	

PROFESIÓN
ESTUDIOS REALIZADOS
FORMACIÓN RELACIONADA COA ACTIVIDADE EMPRESARIAL QUE SE VAIA DESENVOLVER

[illegible]

4.- IDENTIFICACIÓN DO PROXECTO

NOME DA EMPRESA		NIF/CIF	
ENDEREZO		LOCALIDADE	CÓDIGO POSTAL
PROVINCIA	TELÉFONO	FAX	ENDEREZO ELECTRÓNICO
LOCAL DO NEGOCIO:			
☐ EN PROPIEDAD ☐ EN ALUGUER ☐ EN TRASPASO			
É A SÚA VIVENDA HABITUAL? ☐ SI ☐ NON		DIMENSIÓNS DO LOCAL	É LOCAL AUTORIZADO? ☐ SI ☐ NON
FORMA DE CONSTITUCIÓN:			
☐ AUTÓNOMO/A	☐ MUTUALIDADE DE	☐ COMUNIDADE DE BENS	☐ SOCIEDADE CIVIL
NOME DA COMUNIDADE DE BENS OU SOCIEDADE CIVIL		NÚMERO DE SOCIOS/AS	PORCENTAXE DE PARTICIPACIÓN DA PERSOA SOLICITANTE NA SC OU CB
DATA DE ALTA NA SEGURIDADE SOCIAL OU MUTUALIDADE	DATA DE ALTA SEGUNDO A DECLARACIÓN CENSAL OU NO IAE	C.N.A.E	
INDIQUE O ASESORAMENTO RECIBIDO NO PROXECTO			
DESCRIPCIÓN DA NOVA ACTIVIDADE QUE SE VAIA DESENVOLVER:			
Describa brevemente os servizos que se van prestar ou bens que se van producir e as necesidades que se pretenden cubrir			
MERCADO DA NOVA EMPRESA:			
Describa brevemente cal será o mercado en que actúe a empresa, os clientes e as súas características, o territorio en que se desenvolverá a actividade, os principais competidores, as principais diferenzas entre o seu servizo ou produto e o da competencia, etc.:			
RECURSOS HUMANOS:			
Indique os postos de traballo que se crearán, ademais do propio. Ocupación, tipo de contrato fixo ou temporal, duración do contrato, xornada de traballo, método de selección do persoal, etc.:			
AO COMEZO DA ACTIVIDADE			
NOS SEIS PRIMEIROS MESES			
CON POSTERIORIDADE			
OUTRA INFORMACIÓN DE INTERESE:			
Describa calquera outra información adicional que considere de interese para a avaliación do proxecto:			

5.- PLAN DE INVERSIONES

CONCEPTO	IMPORTE (Euros)
ACTIVO FIJO	
Terreos	
Construcións	
Compra de locais	
Acondicionamento do local	
Instalacións	
Ferramentas	
Mobiliario	
Elementos de transporte	
Mobiliario	
Equipos informáticos e de procesos de información	
Gastos de investigación e desenvolvemento	
Concesións administrativas	
Propiedade industrial	
Dereitos de traspaso	
Aplicacións informáticas	
Outros	
ACTIVO CIRCULANTE	IMPORTE (Euros)
Existencias	
Tesouraría	
Outros	
TOTAL GASTOS DE INVERSIÓN (*) <i>(IVE non incluído)</i>	

(*) A suma do total do investimento e o total de financiamento deben coincidir

6.- PLAN DE FINANCIAMENTO

RECURSOS FINANCIEROS	IMPORTE (Euros)
Fondos propios	
Préstamo acogido ao convenio coa Consellería de Traballo	
Outros préstamos (especificar)	
Outras fontes de financiamento (especificar)	
TOTAL FINANCIAMENTO (*)	

(*) A suma do total do investimento e o total de financiamento deben coincidir

7.- CONTA DE PERDAS E GANANCIAS PREVISTAS PARA OS TRES PRIMEIROS ANOS

INGRESOS	1º Ano	2º Ano	3º Ano
Vendas			
Prestacións de servizos			
Outros ingresos			
TOTAL INGRESOS			
GASTOS			
Gastos de constitución			
Compras de mercadorías, materias primas e outros aprovisionamentos			
Arrendamentos			
Servizos de profesionais independentes			
Publicidade			
Transportes			
Seguros do local			
Outros seguros			
Subministración (electricidade, auga, etc.)			
Tributos			
Gastos Seguridade Social do promotor/a			
Gastos do persoal contratado (salarios e Seguridade Social)			
Gastos financeiros			
Dotacións por amortizacións			
Outros (especificar)			
TOTAL GASTOS			
BENEFICIO PREVISTO: TOTAL INGRESOS-GASTOS			

8.- CUSTO TOTAL DA ACTIVIDADE NOS TRES PRIMEIROS ANOS (ARTIGO 17º.1 DA ORDE DE CONVOCATORIA)

CONCEPTO	IMPORTE (Euros)
TOTAL GASTOS SEGURIDADE SOCIAL DO PROMOTOR/A (3 primeiros anos)	
TOTAL GASTOS DE INVESTIMENTO (punto 5 desta memoria)	
TOTAL GASTOS DE ASISTENCIA TÉCNICA	
TOTAL GASTOS DE FORMACIÓN	
TOTAL OUTROS GASTOS (entre outros, gastos de constitución, publicidade, arrendamento de local e maquinaria e seguros do local)	
CUSTO TOTAL DA ACTIVIDADE (IVE non incluído)	

9.- MEDIDAS DE SEGURANZA E SAÚDE LABORAL E DE PREVENCIÓN DE RISCOS LABORAIS

Describe brevemente as medidas en materia de seguranza e saúde laboral e de prevención de riscos laborais adoptadas:

10.- ADECUACIÓN EN MATERIA DE AMBIENTE

Describe brevemente as medidas de adecuación en materia de protección do ambiente adoptadas, en especial pola localización e a actividade da empresa:

11.- OBSERVACIÓNS / OUTROS DATOS

,

de

de

Asdo.:

NOTA: achéguese á presente memoria a relación de facturas xustificativas do investimento realizado e da axuda solicitada, xunto coas facturas enumeradas e os seus correspondentes documentos bancarios acreditativos do pagamento.

ANEXO V

DECLARACIÓN RESPONSABLE

Don/Dona

, con DNI nº

DECLARA QUE:

- a) Que todos os datos que constan na solicitude e nos documentos que se xuntan son certos.
- b) Non se incorre en ningunha das incompatibilidades sinaladas no artigo 17º da orde de convocatoria, non concorre ningunha das circunstancias previstas no punto 2º do artigo 10 da Lei 9/2007, do 13 de xuño, de subvencións de Galicia e se reúnen as condicións para ser beneficiario de acordo co establecido no artigo 2º da orde de convocatoria.
- c) Non foi excluída/o do acceso aos beneficios derivados da aplicación dos programas de emprego, conforme o establecido no artigo 46.2º do Real decreto lexislativo 5/2000, do 4 de agosto, polo que se aproba o texto refundido da Lei sobre infraccións e sancións na orde social.
- d) Indicar o que corresponde:
- ☐ Non ter solicitado nin percibido para este proxecto ningunha outra axuda dunha administración ou entidade pública.
- ☐ Ter percibido ou solicitado as axudas indicadas na relación que se xunta (no modelo que figura como anexo VI).
- e) Autoriza a obtención dos certificados establecidos no artigo 11º.1 da orde de convocatoria, de acreditación de estar ao día do cumprimento das obrigas tributarias e coa Seguridade Social. No caso de denegación expresa do consentimento, deberá achegar as devanditas certificacións.
- ☐ Non autoriza a obtención de datos tributarios -estatais e da comunidade autónoma- e da Seguridade Social.
- f) Presta expresamente o seu consentimento á Consellería de Traballo para incluír e facer públicos, no rexistro regulado no Decreto 132/2006, do 27 de xullo, os datos relevantes referidos ás axudas e subvencións recibidas, así como as sancións impostas. (Os dereitos de acceso, rectificación, cancelación e oposición de datos de carácter persoal exerceranse ante o CIXTEC como responsable dos ficheiros, na rúa Domingo Fontán 9, 15702 Santiago de Compostela, de conformidade coas prescricións da Lei orgánica 15/1999, do 13 de decembro, de protección de datos de carácter persoal).
- g) Autoriza expresamente a Consellería de Traballo para que, de acordo co establecido nos puntos 3 e 4 do artigo 13º da Lei 4/2006, do 30 de xuño, de transparencia e boas prácticas na Administración pública galega, publique as subvencións concedidas ao abeiro desta orde no *Diario Oficial de Galicia* e na súa páxina web oficial, con expresión da convocatoria, o programa e crédito orzamentario a que se imputan, a entidade beneficiaria, a cantidade concedida e a finalidade da subvención.
- h) Autoriza a Consellería de Traballo, no suposto de ter a condición de beneficiario/a da subvención, a solicitar da Tesouraría Xeral da Seguridade Social, a información sobre situación de alta na Seguridade Social, conforme o previsto no artigo 20º.2 da orde de convocatoria.

E para a que así conste ante o órgano competente, asina esta declaración no lugar e data abaixo indicados.

_____, de _____ de _____

Asdo.:

(Sinatura da persoa solicitante)

ANEXO VI

DECLARACION EXPRESA DOUTRAS AXUDAS E DE AXUDAS EN RÉXIME *DE MINIMIS*

EXP. Nº

PROCEDEMENTO

CÓDIGO DO PROCEDEMENTO

Don/Dona, con DNI nº

nome e representación da entidade

con NIF/CIF nº en calidade de

DECLARA BAIXO A SÚA RESPONSABILIDADE

Que para a mesma actividade ou proxecto esta entidade solicitou e/ou obtivo as axudas que se relacionan a seguir:

AXUDAS		ANO	ORGANISMO	IMPORTE €	TIPO DE AXUDA	DISPOSICIÓN REGULADORA
SOLICITADA	CONCEDIDA					
☐	☐					
☐	☐					
☐	☐					
☐	☐					
☐	☐					
☐	☐					

DECLARA BAIXO A SÚA RESPONSABILIDADE:
Que esta entidade ten concedidas en réxime *de minimis* (Regulamento (CE) nº 1998/2006), neste ano e nos dous anteriores as seguintes axudas:

ANO	ORGANISMO	IMPORTE €	TIPO DE AXUDA	DISPOSICIÓN REGULADORA
☐				
☐				
☐				
☐				
☐				
☐				

Así mesmo, o/a solicitante comprométese a comunicar inmediatamente cantas axudas solicite ou obteña para a mesma actuación doutras administracións públicas ou doutros entes públicos ou privados, nacionais ou internacionais, a partir da data desta declaración.

E para que así conste ante o órgano competente, asina esta declaración no lugar e data abaixo indicados.

, de de

(Sinatura e selo da entidade)

ANEXO VII

FICHA DE SOLICITUDE DE TRANSFERENCIA BANCARIA

EXPEDIENTE

CÓDIGO DO PROCEDEMENTO

TITULAR DA CONTA		DNI/NIF	
ENDEREZO			
LOCALIDADE	CONCELLO	CÓDIGO POSTAL	TELÉFONO
DATOS BANCARIOS			
CÓDIGO DO BANCO	CÓDIGO DA SUCURSAL	DÍXITOS DE CONTROL	CÓDIGO DA CONTA CORRENTE
NOME	ENDEREZO (RÚA E NÚMERO)		
PROVINCIA	LOCALIDADE	CÓDIGO POSTAL	

CERTIFICO:

Que os datos arriba reflectidos son correctos e corresponden ao titular e número de conta.

_____, de _____ de _____

SINATURA DO/A SOLICITANTE

SINATURA E SELO DA ENTIDADE FINANCEIRA

ANEXO VIII

**COMPROMISO DA ENTIDADE FINANCEIRA DE CONCESIÓN DO PRÉSTAMO
(DOCUMENTO QUE DEBERÁ PRESENTAR O SOLICITANTE XUNTO COA SOLICITUDE)**

EXPEDIENTE

DATOS DA ENTIDADE FINANCEIRA

ENTIDADE FINANCEIRA			
SUCURSAL, RÚA			
CÓDIGO POSTAL	PROVINCIA	LOCALIDADE/CONCELLO	TELÉFONO

DATOS DA PERSOA FÍSICA OU XURÍDICA TITULAR DO PRÉSTAMO

APELIDOS E NOME OU DENOMINACIÓN SOCIAL			
ENDEREZO			
CÓDIGO POSTAL	PROVINCIA	LOCALIDADE/CONCELLO	TELÉFONO

CARACTERÍSTICAS DO PRÉSTAMO

IMPORTE DO PRÉSTAMO	PRAZO DE AMORTIZACIÓN	CARENCIA
TIPO DE XURO		

DESTINO DO PRÉSTAMO (EN EUROS)

ACTIVO FIXO	ACTIVO CIRCULANTE

Comprométese á concesión do préstamo detallado neste escrito, conforme o convenio subscrito coa Consellería de Traballo, polo que solicita que a citada operación sexa cualificada como subvencionable.

_____, de _____ de _____
(Sinatura do/a representante e selo da entidade financeira)

Asdo.: